



4 Marsu 2022

## Mensajen husi Austrália nia Embaixadór ba Timor-Leste, Bill Costello



Ne'e hanesan priviléjiu boot no prazér hodi apresenta ha'u nia kredensiais ba Timor-Leste nia Prezidente S.E. Francisco 'Lu-Olo' Guterres iha 25 Feveiru. Ba aniversáriu tinan 20 relasaun diplomátika entre Timor-Leste no Austrália, ha'u orgullu tebes nu'udar Austrália nia Embaixadór ba dala 8 iha Timor-Leste, no haksolok tebes hodi tuir pasu sira husi belun no kolega sira, foin lalais ne'e Peter Roberts.

Ha'u hahú ha'u-nia mandatu iha Díli ho relasaun bilateral entre Austrália no Timor-Leste iha forma ne'ebé di'ak tebes. Ida ne'e demonstra ona durante interasaun rua iha nível altu entre ita-nia líder sira foin lalais ne'e. Ita-nia Primeiru Ministru na'in rua realiza reuniaun virtual ne'ebé pozitivu no produtivu iha 17 Feveiru, no divulga deklarasaun ida ne'e. Timor-Leste nia Ministra Negósius Estranjeirus no Kooperasaun S.E. Adaljiza Magno mós iha vizita semana ida ne'ebé produtivu tebes ba Canberra, Griffith (NSW) no Darwin - hanesan hatudu ona iha ninia publikasaun barak no oin-oin iha Facebook!



Foto husi: Gabinete Primeiru Ministru Timor-Leste

Marka susesu ida ne'ebé mak alkansa durante Ministra Magno nia vizita ba Austrália mak asinatura - durante ninia reuniaun ho Austrália nia Ministra Negósius Estranjeirus no Ministra ba Feto S.E. Senadora Marise Payne iha 10 Feveiru ([deklarasaun iha ne'e](#)) - Memorandu de Intendementu (MOU) bilateral kona-ba programa foun Mobilidade Pasífiku Tráballu Austrália nian (PALM), ne'ebé mak sei tama ba vigór iha 4 Abril tinan ne'e. Programa PALM ne'e sei aumenta oportunidade ba traballadór Timoroan sira iha Austrália, inklui atu dezenvolve abilidade sira nian, no iha indústría oin-oin - la'os de'it iha agrikultura. (Ha'u tenki hatene: ha'u lidera serbisu ba kriasaun programa PALM foun iha ha'u nia papél anterior iha Canberra).

Ita-nia Ministra Negósius Estranjeirus na'in rua mós foin lalais ne'e participa ona iha reuniaun Ministra Negósius Estranjeirus feto na'in haat, envolve mós Ministra Marsudi husi Indonezia no Ministra Mahuta husi Nova Zelândia. Hanesan Ministra Payne hatete, reuniaun ida husi Ministra Negósius Estranjeirus rejionál na'in haat envia mensajen ida ne'ebé forte no pozitivu ba igualdade jéneru.

COVID-19, partikularmente variante Omicron, novamente fo mai ita surpresa infeliz balun iha tinan ne'e. Pelu menus entre hirak ne'e mak inkapasidade Primeiru Ministru Taur Matan Ruak hodi halo viajen ba Austrália iha fulan Feveiru - ami iha programa di'ak tebes ne'ebé mak preparadu ba nia! COVID klaramente mós kauza perturbasaun no moras réal iha Díli foin lalais ne'e - inklui iha ha'u-nia uma. Kontenti tebes katak, ho taxa vasinasaun ne'ebé relativamente aas iha Díli, taxa ospitalizasaun no mate relativamente tuun to'o agora. Maibé, ha'u fo hano'in nafatin ema hotu ba importánsia prátika 'COVID safe' hanesan uza máskara no distansiamentu social. Laiha ema ida mak hakarak sai hanesan ema ne'ebé pasa COVID ba ema seluk ne'ebé moras grave.





Klaru, COVID dook husi uniku dezafiu saúde Timor-Leste nian, triste tebes haree ba surtu Dengue daudaun ne'e. Austrália sai ona nu'udar parseiru tempu naruk ba Timor-Leste nia setór saúde, no Primeiru Ministru Morrison anúnsia ona kompromisu adisionál Austrália nian ba tinan lima tuir mai ho montante dolar Australianu millaun 30 ba apoia saúde iha Timor-Leste. Iha nível rejionál, Governu Austrália sei halo investimentu estratéjiku dolar Australianu millaun 375 iha ita-nia rejiaun nia seguransa saúde, ne'ebé mak sei haforsa sistema saúde no tulun ita prepara ba surtu moras infesaun (liután) ne'ebé sei mosu mai.

Maski nune'e, no obrigadu ba protesaun forneseidun ba ita liuhusi vasina COVID, ha'u fiar katak forma hotu ne'ebé ita serbisu, deskansa no viajen sei aumenta fila fali ba normal iha tinan ne'e. Prova klaru ba ida ne'e mak faktu katak Austrália loke hikas fali fronteira internasionál iha Segunda 21 Fevereiro. No ita-nia belun Timoroan sira agora aumenta possibilidade halo viajen ba Austrália nu'udar traballadór temporariu iha programa PALM (56 halo viajen ona to'o agora tinan ne'e, no tuir mai 775 daudaun ne'e prepara hela hodi halo viajen ba serbisu) no respiciente bolsa-estudu Austrália nian (36 manan-na'in halo viajen hela ba hahú estudu iha Austrália tinan ne'e). Ami mós hein atu haree ema Australianu liután halo viajen mai Timor-Leste tinan ne'e, ba negósiu no feriadu.

Tulun tebes resurjimentu ida ne'e iha viajen entre ita-nia nasaun rua ne'e mak dezenvolvimentu ne'ebé mak ben-vindu husi

Timor-Leste nia aprovasaun ba Qantas hodi opera voo komersiais tuir ita-nia akordu bilateral serbisu aéru 2021. Qantas anúnsia iha 15 Fevereiro ne'ebé mak sei opera voo komersiais regulár husi 1 Abril, inisialmente ho voo dala tolu kada semana, maibé ho planu sira hodi aumenta voo ba dala lima kada semana. Airnorth mós rezumu voo regulár, no di'ak tebes hodi haree kompañia aérea Austrália nian rua ne'e servisu iha rota Darwin mai Díli.

Buat ida ne'ebé klaru ona mai ha'u maka, hanesan Austrália, Timor-Leste orgullu nu'udar nasaun demokrátika. Ita-nia nasaun rua sei hala'o eleisaun iha fulan hirak tuir mai. Sira ne'ebé iha interese forte iha política bele akompañia ho besik liu Timor-Leste nia eleisaun prezidensiál - ho kandidatu na'in 16 aprovalu - no eleisaun federal Austrália nian. Embaixada sei halo monitorizasaun eleisaun iha distritu oin-oin iha Timor-Leste, no ami hein hodi fahe ho ita-boot kona-ba kór no movimentu ne'ebé mak ami observa iha loron votasaun.

Embaixada sei kontinua pruduz buletin ida ne'e periodikamente iha tinan ne'e - alende iha ami nia publikasaun Facebook regulár - no ha'u sei kontinua envolve. Tópiku ida ne'ebé ha'u hakarak foka iha tinan ne'e nia rohan mak Austrália nia apoiu ba dezenvolvimentu infraestrutura iha Timor-Leste. Iha projetu interesante balun ne'ebé mak preparadu iha momentu ne'e, no ha'u hein ba oin hodi fo hatene liután ba ita-boot sira kona-ba projetu hirak ne'e.

Obrigadu, Bill.



Hodi mantein atualizasaun ba dezenvolvimentu nafatin tuir ami-nia pájina Facebook 'Australia in Timor-Leste.' Ita bele hetan edisaun ikus ba boletín ne'e iha ami-nia sítiu.

A Rua Mártires da Patria, Díli, Timor-Leste | P (670) 3322 111 | F (670) 332 2247  
E [austemb\\_dili@dfat.gov.au](mailto:austemb_dili@dfat.gov.au) | W [timorleste.embassy.gov.au](http://timorleste.embassy.gov.au)

 [@AustralianEmbassyTimorLeste](https://www.facebook.com/AustralianEmbassyTimorLeste)  Bill Costello [@AusAmbDili](https://twitter.com/AusAmbDili)



Australian Embassy  
Timor-Leste

